

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/72, 20.04.2022թ.

Բողոք բերող անձ՝ «ՖԱՅՆԹԵՔ» ՍՊԸ

Պատվիրատու՝ ՀՀ ԱՆ «Ինֆեկցիոն հիվանդությունների ազգային կենտրոն» ՓԲԸ

Գնման ընթացակարգի ծածկագիրը՝ ԻՀԱԿ-ԳՀԾՁԲ-ԳԼ-22/28

Գնման առարկան՝ ծրագրային ապահովման հետ կապված խորհրդատվական ծառայությունների ձեռքբերում

Բողոքի պահանջը՝ պարտավորեցնել ԻՀԱԿ-ԳՀԾՁԲ-ԳԼ-22/28 ծածկագրով գնման ընթացակարգի գնահատող հանձնաժողովին գնման ընթացակարգը հայտարարել չկայացած:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

հասցե՝ ք. Երևան, Մելիք-Աղամյան 1

Բողոք բերող՝ «ՖԱՅՆԹԵԲ» ՍՊԸ

ՀՎՀՀ՝ 01297346

հասցե՝ Հակոբ Հակոբյան 3, հիմնական մասնաշենք, 4-րդ սեկցիա

տնօրեն՝ Վահե Կարապետյան

հեռ.՝ 099064070

էլ. փոստի հասցե՝ info@finetech.am

Պատվիրատու՝ «ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ

ԱԶԳԱՅԻՆ ԿԵՆՏՐՈՆ» ՓԲԸ

հասցե՝ ՀՀ, ք. Երևան, Արմենակյան 153

Գնման ընթացակարգի ծածկագիրը և առարկան՝

*ծրագրային ապահովման հետ կապված խորհրդատվական ծառայությունների
ձեռքբերման նպատակով հայտարարված թիվ «ԻՀԱԿ-ԳՀԾՁԲ-ԳԼ-22/28» ծածկագրով
գնանշման հարցման ընթացակարգ*

ԲՈՂՈՔ

*1. Բողոքի քննության համար էական նշանակություն ունեցող փաստական
հանգամանքները.*

*1.1. «ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ» ՓԲԸ-ի
(այսուհետ նաև՝ Պատվիրատու) «ԻՆՖԵԿՑԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ
ԿԵՆՏՐՈՆ» ՓԲԸ-ի կարիքների համար ծրագրային ապահովման հետ կապված
խորհրդատվական ծառայությունների ձեռքբերման նպատակով 10.04.2022 թվականին
հրապարակել է թիվ «ԻՀԱԿ-ԳՀԾՁԲ-ԳԼ-22/28» գնանշման հարցման ընթացակարգը
(այսուհետ նաև՝ ընթացակարգ):*

1.2. Ընթացակարգի հրավերով հայտերի բացման և հայտերի ներկայացման համար ժամկետ է սահմանվել մինչև 20.04.2022 թվականին ժամը 16:00-ին:

1.3. Ընթացակարգի հրավերի 1-ին մասի 2.4.1-րդ կետով սահմանվել է նաև հետևյալը.

Հ/Հ	Համապատասխանության, տեխնիկական և գնային առաջարկների չափանիշներ	Համապատասխանության, տեխնիկական և գնային առաջարկների գնահատման (չափման) առավելագույն միավորներ	Գնահատման համար սահմանված պահանջներ
1	ՏԵԽՆԻԿԱԿԱՆ ԱՌԱՋԱՐԿ (SU) - 100 միավոր		
	այդ թվում		
1.1	<i>Մասնակցի նմանատիպ փորձառություն (SU1)</i>	<i>32 միավոր</i>	Որպես նմանատիպ փորձառությունը հիմնավորող փաստաթուղթ, Մասնակիցը ներկայացնում է նախկինում կատարած պայմանագրերի (համաձայնագրերի) պատճենները, իսկ դրանց պատշաճ կատարումը գնահատելու համար՝ տվյալ պայմանագրի կողմերի հաստատած, պայմանագրի (համաձայնագրի)՝ սահմանված ժամկետում կատարումը հավաստող ակտի (հանձնման-ընդունման արձանագրություն կամ պայմանագրով նախատեսված փաստաթուղթ) պատճենը կամ տվյալ պայմանագրի կատարումն ընդունած կողմի գրավոր հավաստումը՝ պայմանով, որ հայտը ներկայացնելու տարվա և դրան նախորդող 3 տարիների ընթացքում պատշաճ ձևով իրականացրել է առողջապահության ոլորտում նմանատիպ տվյալների բազայի կառավարման համակարգերի ներդրման առնվազն մեկ պայմանագիր, որի գումարը պակաս չէ մասնակցի գնային առաջարկի հիսուն տոկոսից:
1.2	<i>Մասնակցի նմանատիպ փորձառություն (SU2)</i>	<i>20 միավոր</i>	Որպես նմանատիպ փորձառությունը հիմնավորող փաստաթուղթ, Մասնակիցը ներկայացնում է նախկինում կատարած պայմանագրերի (համաձայնագրերի) պատճենները, իսկ դրանց պատշաճ

		<p>կատարումը գնահատելու համար՝ տվյալ պայմանագրի կողմերի հաստատած, պայմանագրի (համաձայնագրի) սահմանված ժամկետում կատարումը հավաստող ակտի (հանձնման-ընդունման արձանագրություն կամ պայմանագրով նախատեսված փաստաթուղթ) պատճենը կամ տվյալ պայմանագրի կատարման ընդունած կողմի գրավոր հավաստումը՝ պայմանով, որ հայտը ներկայացնելու տարվա և դրան նախորդող 3 տարիների ընթացքում պատշաճ ձևով իրականացրել է իրական ժամանակում գործող նմանատիպ տվյալների բազայի կառավարման համակարգերի ներդրման առնվազն մեկ պայմանագիր, որի գումարը պակաս չէ մասնակցի գնային առաջարկի քսան տոկոսից</p>
--	--	--

2. Բողոքի փաստական և իրավական հիմնավորումները.

«Գնումների մասին» ՀՀ օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռքբերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռքբերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգի (այսուհետ՝ Կարգ) 22-րդ կետի համաձայն՝ գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ:

Վերոնշյալները համադրելով սույն գործի փաստերի հետ պետք է արձանագրել, որ Պատվիրատուի կողմից թույլ է տրվել Օրենքի 3-րդ հոդվածի 2-րդ մասի, 13-րդ հոդվածի և Կարգի 22-րդ կետի խախտումներ, քանի որ գնման ընթացակարգի հրավերով Պատվիրատուի կողմից ըստ էության սահմանվել է այնպիսի որակավորման չափանիշներ, որոնք խտրական են, չեն բխում օրենքի սկզբունքներից, հավասար պայմաններ չեն ապահովում և մրցակցության համար չհիմնավորված խոչընդոտներ են առաջացնում հնարավոր մասնակիցների՝ այդ թվում և մեր կազմակերպության համար: Մասնավորապես, խնդրում ենք ուշադրություն դարձնել հրավերով սահմանված այն դրույթին, որ հնարավոր մասնակիցը հայտը ներկայացնելու տարվա և դրան նախորդող 3 տարիների ընթացքում պատշաճ ձևով պետք է իրականացրած լինի առողջապահության ոլորտում նմանատիպ տվյալների բազայի կառավարման համակարգերի ներդրման առնվազն մեկ պայմանագիր, որի գումարը պակաս չէ մասնակցի գնային առաջարկի հիսուն տոկոսից:

Պատվիրատուի կողմից ներկայացված պահանջը ոչ իրավաչափ է, հակասում է վերոնշյալ իրավական նորմերի դրույթներին, քանի որ «առողջապահության ոլորտում» և «մեկ պայմանագիր, որի գումարը պակաս չէ մասնակցի գնային առաջարկի հիսուն տոկոսից» պահանջները խտրական են, այն պատճառաբանությամբ, որ չի հիմնավորվում, թե պատվիրատու կողմին ինչու է պետք որ լինի առողջապահական ոլորտում իրականացված, այլ ոչ թե պետական կառավարման ոլորտում: Կարծում ենք, այս պահանջը իրավաչափ է, քանի որ դուրս է մղվում նմանատիպ պայմանագրերի մասնավոր հատվածի հետ կատարված լինելու պահանջը, միաժամանակ չի սահմանափակվում ոլորտային առումով: Ինչ վերաբերում է այն դրույթին, որ պետք է ներկայացվի մեկ պայմանագիր, որի գումարը պակաս չէ մասնակցի գնային առաջարկի հիսուն տոկոսից, ապա այս մասով, գտնում ենք, որ իրավաչափ կլինեք սահմանել ոչ թե մեկ պայմանագրի շրջանակում հիսուն տոկոսի ապահովում, այլ գոնե երկու կամ երեք պայմանագրի շրջանակներում հիսուն տոկոսի ապահովում: Այս պարագայում կխրախուսվի մրցակցությունը և ավելի կընդլայնվի հնարավոր մասնակիցների մասնակցությունը: Նմանատիպ պահանջ է սահմանվել նաև աղյուսակի 1.2 կետով, որը նույնանման է վերը նշվածին:

Գտնում ենք, որ հրավերի 1-ին մասով սահմանված պահանջները օբյեկտիվորեն հիմնավորված և համարժեք չեն այն կարիքին, որի բավարարման նպատակով

կատարվում է տվյալ գնումը, ինչի արդյունքում խախտվում է գնումների մասին ՀՀ օրենսդրությամբ սահմանված վերը նշված պահանջները:

3. Բողոքի պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածներով.

Խնդրում եմ

Պարտավորեցնել «ԻՆՖԵԿՏԻՈՆ ՀԻՎԱՆԴՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ» ՓԲԸ-ի կողմից հայտարարված թիվ «ԻՀԱԿ-ԳՀՄՁԲ-ԳԼ-22/28» ծածկագրով գնանշման հարցման ընթացակարգի գնահատող հանձնաժողովին ընդունելու՝ գնման ընթացակարգը չկայացած հայտարարելու մասին որոշում:

Կից ներկայացվող փաստաթղթերի ցանկը.

1. «ՖԱՅՆԹԵՔ» ՍՊԸ-ի ՀՀ ԱՆ իրավաբանական անձանց պետական ռեգիստրի կողմից տրված վկայականի պատճենը.
2. «ՖԱՅՆԹԵՔ» ՍՊԸ-ի տնօրենի նույնականացման քարտի պատճենը.
3. «ԻՀԱԿ-ԳՀՄՁԲ-ԳԼ-22/28» ծածկագրով ընթացակարգի հրավերը.
4. պետական տուրքի վճարման փաստը համաստող ապացույց:

Հարգանքով՝
«ՖԱՅՆԹԵՔ» ՍՊԸ տնօրեն՝



Վահե Կարապետյան